

S 26
388<6

草部

第六本

縮砂菴益智 甘松香白豆蔻 草果 肉果
歸 芎藭 藁本 白芷 赤芍藥牡丹皮木香



本草述卷之八上

潛江劉若金先生著 武進薛恮秉之氏校訂

芳草部上

當歸

二月八月采根 時珍曰今陝蜀秦州汝州諸處

人多栽蒔爲貨以秦歸頭尾圓多色紫氣香肥潤

者名馬尾歸最勝他處尾大頭粗色白堅枯者爲

饒頭歸止宜入發散藥爾韓愈言川產者力剛而

善攻秦產者力柔而善補是矣

仲春生苗布葉似牡丹葉嫩綠三瓣

七月開花似蒔蘿花
嬌紅可目根黑黃色

根氣味苦溫無毒 別錄曰辛大溫 普曰神農

黃帝桐君扁鵲甘無毒岐伯雷公辛無毒李當之

小溫 東垣曰甘辛溫無毒氣厚味薄可升可降

陽中微陰入手少陰足太陰厥陰經血分好古

曰入手少陰以心主血也入足太陰以脾統血也

入足厥陰以肝藏血也 嘉謨曰氣味俱輕可升

可降 主治養血如本草溫中補諸不足潤腸胃

筋骨皮膚女子漏下絕子胎產備急男子血虛及

氣血昏亂服之卽定之類能和血如本草此外信

本腹痛女子瀝血腰痛并除血刺痛及齒

寒熱之類能活血行血如本草諸惡瘡瘍跌仆血
凝並淫痺風證攣蹇與客血內塞宿血惡血及癰
癖之類總爲血病不可少之劑證治不能槩定唯
在引用合宜之類曰當歸味苦氣溫臭香色紫
當入心爲心之使藥心之血分氣分藥也祇判入
血便失當歸本來面目矣何也血無氣煦則不能
運行經隧灌溉周身彼此依循互爲關鍵經云藏
真通於心心藏血脈之氣也當歸助氣之用益血
之體能使氣血邪氣各歸於所當歸之地煮汁飲
之宣揚帥氣耳

此段血中有氣

成無已曰脈者血之府

諸血皆屬心凡通脈者必先補心益血故張仲景
治手足厥寒脈細欲絕者用當歸之苦溫以助
血陳承曰世俗多謂惟能治血而金匱外臺千
金諸方皆爲人補不足決取立效之藥古方用治
婦人產後惡血上衝取效無急於此凡氣血昏亂
者服之卽定可以補虛備產後要藥也

以上二
段養血

張元素曰凡血受病必須用之血壅而不流則痛

當歸之甘溫能和血辛溫能散內寒苦溫能助心

散寒使氣血各有所歸愚按經云血氣者喜溫

而惡寒寒則泣不能流溫則消而去之況溫而合

於甘辛所以爲補血活血之要藥也 虞搏曰當

歸能逐瘀血生新血使血脈通暢與氣並行周流

不息因以爲號 以上三段和血行血 王好古曰頭能破血

身能養血尾能行血 按好古論頭身尾未確 全用同人參黃

芪則補氣而生血同牽牛大黃則行氣而破血從

桂附茱萸則熱從大黃芒消則寒佐使分定用者

當知 以下四段隨引用以歸血 韓忭曰當歸主血分之病血

虛以人參石脂爲佐血熱以生地黃條芩爲佐不

絕生化之源血積配以大黃要之血藥不容舍當

歸故古方四物湯以爲君芍藥爲臣地黃爲佐芎

窮爲使也。門曰當歸全用引以川芎細辛之類。則治血虛頭痛眼痛齒痛合諸血藥入薏苡牛膝。則下行而治血不榮筋腰痛足痿合諸血藥入參川烏烏藥薏苡則能榮表以治一身筋寒溼毒。在參芪則補氣血虛勞而止汗長肌在芍木地黃則養血滋陰而補腎合芍藥木香則能和肝而止痛治痢合鼈甲柴胡則定寒熱而除溫瘧合陳皮半夏則能止嘔合遠志酸棗則能養心定悸在桂附則熱而溫中散冷在硝黃則寒而通腸潤燥在莢稜牽牛則破惡血而消癥痞是皆隨所引藥爲

用益味辛甘而氣疏暢無定故也 希雍曰當歸

稟土之甘味天之溫氣別錄兼辛甘以緩之辛以

散之潤之溫以通之暢之入手少陰足厥陰亦入

足太陰活血補血之要藥 同川芎芍藥地黃名

四物湯主婦人血分百病加炒黑乾薑炒黑豆澤

蘭牛膝益母草蒲黃治婦人產後百病 同桂枝

木菊花牛膝主痺 同牛膝鼈甲橘皮生薑治瘡

在陰分久不止 同棗仁遠志人參茯神治心血

虛不得眠 同黃芪生熟地黃芩黃連黃檗治盜

汗 同荆芥白芷芎藭地黃治破傷風 同續斷

牛膝杜仲地黃鹿角屑桂治一切折傷踉蹌挫悶
作疼 同川芎人參治難產及倒生 同益母草

紅花蒲黃牛膝治產後血上薄心 同白膠地黃

芍藥續斷杜仲治婦人血閉無子 同地榆金銀

花滑石紅麴治滯下純血裏急後重

愚按當歸之味甘次苦次辛又復有甘辛者烈而
甘者終始相成也夫甘爲土味乃氣血生化之地
而甘歸於苦苦火味屬心歸於血之所主也苦而
有辛金味屬肺因肺貫心脈以行呼吸爲血之所
始也抑心爲血主者云何經曰心主脈又曰脈者

血之府也。謂主血不屬心乎。經曰。血者神氣也。以其原於水而成於火。心離中有坎。坎從離化。離為坎用。故曰神氣屬血也。雖然。腎脈原至於肺。由肺而乃入心。是金合於火以孕水也。火因金而和於水。則氣化。金孕水而親於火。則血生。此辛繼於苦後。而其味為烈也。當歸血藥也。人身氣原於腎。而血乃原於心。是陽中生陰。陰中生陽。秦中當歸稟金氣獨厚。全得陽中生陰之化。原海藏血中氣藥一語破的矣。故合於熟地則能補髓。經曰。氣之大別。清者上注於肺。濁者下走於胃。又曰。手太陰受陰之清。其清者上走空竅。濁者下行諸經。蓋手太陰肺乃經脈之所始也。至其終始皆甘者。更宜參矣。始便得甘者。即經所謂人受氣於穀。穀入於胃。以傳

於肺是也。其終仍有甘者。卽所謂中焦並胃中出上焦之後。此所受氣者。必糟粕蒸津液。化其精微。上注於肺脈。乃化而爲血是也。合而繹之。是肺合於心。而後氣化爲血脈之所由始。肺合於脾。而後血化爲經脈之所由通。先哲謂爲血中氣藥。可謂能悉其微。豈泛然血潤氣煦之說哉。茲味稟於西土。金氣全具。此生化微機。合先天後天之氣。以爲爐冶。故血所不足處。卽有血之生氣。以裕之潤之。血所乖阻處。又卽有血之化氣。以和之行之。生則能化。化則能生。故養血而又和血行血。隨所引而

莫不歸也。職此之故耳。如酒蒸治頭疼等證。是宜於上也。酒煎治小便出血等證。是宜於下也。酒調末和心腹之刺痛。是宜於中也。如主熱痢刮疼。是治在腸胃也。如主中風攣蹇。是治在經絡也。如治筋骨疼痛。是治在筋骨也。如療風癰在皮膚中。是治在皮膚也。唯所主而使之。咸有所歸。無不得當矣。先哲製四物湯。有因乎時以加倍者。曰倍當歸以迎春氣。倍川芎以迎夏氣。倍芍藥以迎秋。倍地黃以迎冬。用當歸以生一陽。用芍藥以生一陰。卽是繹之。當歸之甘苦辛而溫。可喻春生和氣。豈非

血中履端之始乎。宜四物湯用之爲君也。第茲味
以下溫而能歸血矣。乃有從大黃芒消以爲寒用
者。何居。養血固原於水而成於火。其所謂心氣固
陰陽合和而化之真氣。非偏於陽者也。偏於陽則
血亦不得所歸矣。故有血虛而陽熾之病。當識此
義。然後可以盡當歸之長。 附方 凡傷胎去血
產後去血崩中去血金瘡去血拔牙去血一切去
血過多心煩眩暈悶絕不省人事當歸二兩芎藭
一兩每用五錢水七分酒三分煎七分熱服日再
內虛目暗補氣養血用當歸生曬六兩附子火

炮一兩爲末煉蜜丸梧子大每服三十丸溫酒下
名六一丸 大便不通當歸白芷等分爲末每服
二錢米湯下 室女經閉當歸尾沒藥各一錢爲
末紅花浸酒面北飲之一日一服 墮胎下血不
止當歸焙一兩葱白一握每服五錢酒一盞半煎
八分溫服 產難胎死橫生倒生用當歸三兩芍
藥一兩爲末先以大黑豆炒焦入流水一盞童便
一盞煎至一盞分爲二服未效再服 產後中風
不省人事口吐涎沫手足癱瘓當歸荆芥穗等分
爲末每服三錢水一盞酒少許童子小便少許煎

七分灌之下咽卽有生意

潔古曰當歸頭止血尾破血身和血若全用一破
一止亦和血也使頭是一節硬實處使尾是尖細
處類明曰凡藥根升而梢降者根在上梢在下
故也血下脫者其根能引之上行而止息也血凝
滯者其梢能引之下行而破散也身在中而有和之
義時珍曰大凡根莖身半已上氣脈上行法乎
天身半已下氣脈下行法乎地而人身法象天地
則治上當用頭治中當用身治下當用尾通治當
全用此一定之理嘉謨曰匪獨當歸爲然他如

黃芩防風桔梗柴胡亦皆然也

希雍曰當歸辛溫行走之性故致滑腸又其氣與

胃氣不相宜故腸胃薄弱洩瀉溏薄及一切脾胃

病惡食不思食及食不消並忌之卽產後胎前亦

須慎之

先哲曰血熱者不宜用愚謂可同酒製黃連用以治心血虛熱

修治 擇肥潤不枯燥者用上行酒浸一宿治表

酒洗片時血病酒蒸有痰以薑製導血歸源之理

若入吐衄崩下藥中須醋炒過少少用之多則反

能動血

芎藭

白芷爲之使畏黃連

本草

卷之八上

芳草部上

八

景

一敷曰清明後宿根生苗分其枝橫埋之則節節生
根八月根下始結芎藭種蒔者根形塊大實而多
脂山生者細瘦辛苦五月采苗十月采根非時則
虛惡不堪入藥矣 宗奭謂取味之甘辛者於芎
藭之用方合

根氣味辛溫無毒 普曰神農黃帝岐伯雷公辛
無毒扁鵲酸無毒李當之生溫熟寒 潔古曰性

溫味辛苦氣厚味薄浮而升陽也少陽本經引經
藥入手足厥陰氣分 諸本草主治中風入腦頭
痛面上遊風脇風痛療諸寒冷氣心腹堅痛寒痺